

**SENOTE LIVELIHOOD ASSOCIATION
(SELA)**

Purok 4, Senote, Oroquieta City
Misamis Occidental

BATAKANG BALAAD

PASIUNA

Kami mga myembro sa Senote Livelihood Association kinsa nga nagkahiusa ang among tinguha sa pagmugna ug usa ka kapunungan alang sa kauswagan ug kalambuan ug pag-uswag kanamong mga sakop niini pinaagi sa panginabuhi, pamatasan ug kinaiya ubos sa kahayag sa atong Dios nga langitnon ug labing gamhanan, dinhi nagmugna ug balaodnon kinsa nagbutyag ning maong "constitution and by-laws".

**ARTIKULO I
NGALAN UG LUGAR SA KAPUNUNGAN**

Section 1. Ang ngalan ning maong kapunungan mao ang Senote Livelihood Association (SELA).

Section 2. Ang dapit o lugar nga opisyal nga nahimutangan sa among kapunungan mao ang Purok 4, Senote, Oroquieta City.

**ARTIKULO II
KATUYUAN**

Section 1. Ang katuyuan sa kapunungan mao ang pagpanalipod ug pagpalambo sa kaayuhan, katungud ug komon nga interes alang sa tanang sakop sa kapunungan.

Section 2. Ang labi pang importanting katuyuan sa kapunungan mao ning musunod:

2.a. Ang pagplano ug pagmugna ug usa ka programa sa panginabuhi sa mga sakop niini.

2.b. Ang pagdasig sa mga sakop sa kapunungan sa paghimo ug mga buluhaton nga mahimong maayong kapanaminan sa kalibutan.

2.c. Ang pagtimbayayong ug pagtinabangay alang sa kaayuhan ug kalambuan sa organisasyon kauban sa pagsalig ug pagtuo sa Dios nga labaw makagagahom ug tag-iya sa tanang mga butang sa kalibutan.

2.d. Paghimo ug uban pang kalihukan sa kapunungan nga may kalambigihan sa mga katuyuan sa paglambo ning maong kapunungan.

ARTIKULO III
PAGPASAKOP UG PAGKATANGTANG SA PAGKASAKOP

Section 1. Ang pagpasakop ning maong kapunungan mahimo ni bisan kinsa nga lumolupyo sa Brgy. Senote, dakbayan sa Oroquieta

Section 2. Ang gusto magpasakop ning maong kapunungan kinahanglan dise-utso (18) panuigon pataas.

Section 3. Ang pagpasakop ning kapunungan kinahanglan adunay certificate of attendance sa pre-membership ug mobayad sa Php 25.00 isip membership fee.

Section 4. Ang pagpasakop ning maong kapunungan kinahanglan motoman sa lagda ug balaod nga gilatid sa organisasyon sa pagpasakop ug kinahanglan mobayad siya sa mga balayronon sa kapunungan.

Section 5. Basehan sa pagkatangtang sa Pagkamiyembro:

5.a mapamatud-an nga wala musunod ning balaod ug mga kasabutan gawas ning balaod

5.b makatulo (3) ka sunod sunod nga pag-absent nga walay balido nga rason

ARTIKULO IV
KATUNGOD UG KATUNG DANAN SA MATAGSAKOP SA KAPUNUNGAN

Section 1. Katungod. Ang matag sakop sa kapunungan kinahanglan magpabilin isip maayong sakop sa kapunungan aron siya makapahimulos ning maong mosunod nga katungod:

1.a paminawon ang iyang katungod o opinion sa mga butang nga may kalambigkan sa kapunungan

1.b may katungod siya sa pagbotar sa butang nga ipresentar diha sa meeting o sa pagpili panahon sa eleksyon ug kalamboan sa assosasyon

1.c makatagamtam siya sa tanang benepisyo nga alang sa sakop sa kapunungan.

1.d may katungod sa pagpangayo sa impormasyon sa mga record, libro ug uban pa

1.e may katungod sa pagpaili ug magpapili sa matag piniliay sa kapunungan

Section 2. Katungdanan. Ang matag sakop sa kapunungan adunay katungdanan ning mga musunod:

2.a pagtuman sa constitution and by-laws ug mga resolusyon nga gimugna sa Kapunungan ug uban pang pamalaod

2.b pagpanalipod sa ngalan ug integredad sa kapunungan

2.c pagpalambo ug pagsuportar sa interes ug katuyuan sa kapunungan

2.d aktibo nga motambong ug mosalmot sa tanang meeting ug kalihukan sa Kapunungan

2.e mobayad sa tanang balayronon ug amoton nga gikauyunan sa tanang sakop sa Kapunungan

ARTIKULO V
ASSEMBLIYA HENERAL

Section 1. Ang assemblya heneral mao ang pinakataas nga magbabalaod sa kapunungan ug ang tanang balaod, polisiya, ug mga plano nga iaprobahan sa assemblya ginahanglan pagasundon sa tanang sakop sa kapunungan.

Section. 2. Ang assemblya heneral nagalangkob sa tanang sakop sa kapunungan.

ARTIKULO VI
OPISYALIS UG MEMBRO SA KOMITIBA

Section 1. Ang mga sakop sa kapunungan magpili ning mga opisyalis ug mga membro sa mga komitiba nga mao ning mga musunod :

- i. usa (1) ka pangulo
- ii. usa (1) ka puli pangulo (vice president)
- iii. usa (1) secretaryo
- iv. usa (1) ka tresurero
- v. usa (1) ka auditor

Section 2. Duha ka tuig ang termino sa matag opisyaes.

ARTIKULO VII
MGA BULOHATON SA MGA OPISYALIS UG MGA MEMBRO SA KOMITIBA

Section 1. PANGULO. Siya ang pangulong ehekutibo, mudumala sa matag tigum, morepresentar sa kapunungan, mopirma ug papeles sa kapunungan, mopatawag ug emergency meeting kong gikinahanglan ug tsirman sa tanang meeting.

Section 2. PULI-PANGULO. Siya mao ang mopuli sa buluhaton sa pangulo panahon nga wala ang pangulo.

Section 3. SECRETARYO. Siya ang tig kuha sa mga minutos sa tanang meeting sa kapunungan ug mopreparar sa mga resolution, pahibalo sa tanang meeting nga pagahimuon sa opisyalis, komitiba ug sa mga sakop sa kapunungan ug mohimo ngadto sa tanang buluhaton nga isugo sa mga opisyalis niini.

Section 4. TRESURERO. Siya ang tighipos sa mga kabtangan ug modiposito sa kwarta sa kapunungan ngadto sa bangko , mo record ug mga documento lakip na ang tanang bililhong butang sa kapunungan.

Section 5. AUDITOR. Ang mga komitiba maoy mga audit ug mo imbentaryo sa panalapi ug kabtangan sa kapunungan ug morekumendar sa pag-aprobar sa mga transaksyon sa kapunungan mahitungod sa resibo , panggastos ug paggawas sa kantidad ug bililhong butang sa kapunungan.

ARTIKULO VIII PANAGKATIGUM

Section 1. Ang binulan nga meeting sa matag miyembro pagahimuon matag premerong sabado sa bulan.

Section 2. Paghimuon nga quorum -Ang meeting pagahimuon nga quorum kon makakuha na ug mayorya sa mga sakop sa kapunungan labaw na sa katunga (50 + 1) ang gidaghanon sa sakop sa kapunungan ang mitambong , mao na kana ang quorum .

ARTIKULO IX MONTHLY DUES/ PENALTY/SHARE CAPITAL

Section 1. Kada miyembro magabayad ug binulang balayronon nga Php 5.00.

Section 2. Si kinsa nga miyembro ang dili maka-attend ug meeting ug mga aktibidadis pagasilutan ug Php 20.00.

Section 3. Ang matag miyembro obligado nga muhatag ug share capital nga Php 200.00

ARTIKULO X SOURCES OF FUNDS

Section 1. Ang mga musunod mamahimong dinhi magikan ang pundo sa assosasyon:

- 1.a share capital sa matag miyembro
- 1.b monthly dues
- 1.c penalties
- 1.d financial assistance from granting agencies
- 1.e ug uban pang legal nga paagi ka kapanguhaan ug pundo

ARTIKULO XI REELEKSYON SA MGA OPISYALIS

Section 1. Ang pagpili sa mga opisyalis pagahimuon maka usa sa matag tulo (2) sa tuig sukad sa pagkamugna niini ug mamahimong mapili ang usa ka opisyaes sa susamang posisyon sulod sa duha lamang ka termino.

Section2. Ang pamaagi sa pagpili sa mga opisyalis paga himuon sa sekreto nga balota. Mayoriya nga boto mao ang iproklamar nga mananaog sa maong piniliay.

Section 3. Ang napilian nga opisyalis mao ang molingkod sa katongdanan.


Section 4. Bakante nga posisyon -Kon mobakante nga posisyon sa opisyaes, ang pangulo mopatawag dayon ug usa ka espesyal nga piniliay sa nakabakante nga posisyon .

ARTIKULO XII
KAUSABAN


Section 1. Kon adunay kausaban nga pagahinuon niini nga constitution and by-laws, kini ipresentar sa Assembliya Heneral ug paga aprobahan sa 2/3 nga gidaghanon sa mga sakop sa kapunungan.

ARTIKULO XIII
EPEKTO


Section 1. Kini nga constitution and by-laws moepekto human mipirma ang mga sakop sa kapunungan niining ika 2 sa bulan Oktobre, 2010 dinhi sa Senote, Oroquieta City, Philippines.


ROSELYN PARAGAMAC

(signature over printed name of the president)


GELLIE BANDALA

(signature over printed name of the vice-president)


LEGENIA ETUM

(signature over printed name of the secretary)


ALEJARA ENIEGO

(signature over printed name of the treasurer)


TESSIE ESTRADA

(signature over printed name of the auditor)